



Tel: +355 4 2269097
Fax:
E-Mail: info@dpa.gov.al

RREGULLORE E BORDIT TË AKREDITIMIT

Kodi: DA-RG-002

Rishikim nr 3
Dt: 18.07.2017

Faqe 1 nga 8

RREGULLORE E BORDIT TË AKREDITIMIT

Zbatuesit: Anëtarët e Bordit të Akreditimit, Sekretariati.

Përgjegjësi për zbatim: Drejtori i Përgjithshëm, Kryetari i Bordit të Akreditimit.

Kontrolloi : Armond HALEBI

Drejtori i Përgjithshëm

Miratoi : MILVA EKONOMI

Ministri i MZHETTS



Tel: +355 4 2269097
Fax:
E-Mail: info@dpa.gov.al

RREGULLORE E BORDIT TË AKREDITIMIT

Kodi: DA-RG-002

Rishikim nr 3
Dt: 18.07.2017

Faqe 2 nga 8

1. Qëllimi

Ky dokument përcakton kriteret për përzgjedhjen e anëtarëve të Bordit të Akreditimit, jep përbërjen dhe strukturën e tij, si dhe rregullat bazë për funksionimin e Bordit të Akreditimit.

2. Fusha e zbatimit

Kjo rregullore zbatohet për gjithë fushën e veprimtarisë së Bordit të Akreditimit.

3. Përgjegjësitë

Kjo rregullore zbatohet nga të gjithë anëtarët e Bordit të Akreditimit.

Është përgjegjësi e Drejtorit të Përgjithshëm të DPA-së të kontrollojë zbatimin e kësaj rregulloreje.

4. Fjalori dhe Shkurtime

Drejtoria e Përgjithshme e Akreditimit : DPA

Bordi i Akreditimit : BA

Manuali i Cilësisë: MA

Organizma të Lidhur: OL (sipas DA-RG-004)

5. Referimet

- Ligji Nr. 116/2014 “Për akreditimin e organeve të vlerësimit të konformitetit në Republikën e Shqipërisë”.
- ISO/IEC 17011:2004 – Kërkesat e përgjithshme për organizmat e akreditimit të cilat kryejnë akreditimin e organizmave të vlerësimit të konformitetit § 4.2.7, 4.3.2.
- Manuali i Cilësisë i DPA § 2.2.7.

6. Termat e referencës


BA është një organ i përhershëm i strukturës së DPA -së, në të cilin përfaqësohen palë të ndryshme të interesuara. Misioni i tij përkon me ruajtjen e paanshmërisë së DPA-së, me këshillimin në zhvillimin dhe ruajtjen e politikave kryesore, strategjive dhe parimeve funksionale të DPA-së.

BA këshillon DPA mbi çështjet lidhur me politikën dhe praktikën e akreditimit, për të mbikëqyrur zbatimin e këtyre politikave dhe për të promovuar përfitimet e akreditimit.

Çdo institucion, ent apo organ përfaqësohet në BA nga një person i cili ka njohuri në lidhje me çështjet e akreditimit dhe vlerësimin e konformitetit.

BA ka ekskluzivisht rol këshillues. BA jep rekomandime në lidhje me:

- Hartimin dhe zhvillimin e strategjisë dhe politikës kombëtare të akreditimit.


 <p>Tel: +355 4 2269097 Fax: E-Mail: info@dpa.gov.al</p>	RREGULLORE E BORDIT TË AKREDITIMIT	Kodi: DA-RG-002
		Rishikim nr 3 Dt: 18.07.2017
		Faqe 3 nga 8

- Analizat e riskut duke treguar që OL nuk mund të influencojnë në vendimin për akreditim (pozitivisht ose jo).
- Zhvillimin e sistemit kombëtar të akreditimit bazuar në legjislacionin shqiptar për akreditimin të fushave të ndryshme të veprimtarisë.
- Azhornimin e strategjisë së akreditimit në Shqipëri.
- Strategjinë dhe politikën e akreditimit kombëtar në shoqërinë shqiptare për të arritur aprovim dhe mbështetje të gjerë.
- Projekte të ndryshme për zhvillimin e akreditimit.
- Trajtimin e ankesave dhe apelimeve si edhe dhënien e rekomandimeve Drejtorit të Përgjithshëm të DPA-së në lidhje me ankimin apo apelimin.
- Çështjet e ngritura nga institucionet qeveritare brenda kompetencave të BA.
- Krijimin e një sistemi akreditimi të denjë për të gjitha fushat, në Shqipëri.
- Përmirësimin e vazhdueshëm të performancës duke ju përgjigjur në kohë dhe cilësi kërkesave për progres.
- Përcaktimin dhe rishikimin e rrugëve për realizimin e misionit dhe vizionit të DPA-së.

7. Përbërja dhe Struktura

Bazuar në pikën 2 të nenit 11 të Ligjit Nr. 116/2014 ‘Për akreditimin e organeve të vlerësimit të konformitetit në Republikën e Shqipërisë’, numri i anëtarëve të BA është 16 (gjashtëmbëdhjetë). BA është i përbërë nga përfaqësues të 7 palëve të interesuara, në sistemin e akreditimit, si më poshtë:

Pala e interesuar	Përfaqësimi
6 përfaqësues nga Ministrinë përgjegjëse	Ministria e Zhvillimit, Ekonomisë, Turizmit, Tregtisë dhe Sipërmarjes Ministria e Bujqësisë, Zhvillimit Rural dhe Administrimit të Ujrave Ministria e Shëndetësisë Ministria e Transportit dhe Infrastrukturës Ministria e Mirëqenies Sociale dhe Rinisë Ministria e Mjedisit
2 përfaqësues nga Organizatat e biznesit	Një përfaqësues i Dhomës së Tregtisë dhe Industrisë Tiranë Një përfaqësues i Bashkimit të Dhomave të Tregtisë dhe Industrisë
2 përfaqësues nga Institucionet shkencore	Një përfaqësues nga Fakulteti i Inxhinierisë së Ndërtimit Një përfaqësues nga Fakulteti i Shkencave të Natyrës
1 përfaqësues nga organizmi i metrologjisë	Një përfaqësues i Drejtorisë së Përgjithshme të Metrologjisë


 Tel: +355 4 2269097 Fax: E-Mail: info@dpa.gov.al	RREGULLORE E BORDIT TË AKREDITIMIT		Kodi: DA-RG-002
			Rishikim nr 3 Dt: 18.07.2017
			Faqe 4 nga 8
Pala e interesuar	Përfaqësimi		
1 përfaqësues nga organizmi i standardeve	Një përfaqësues i Drejtorisë së Përgjithshme të Standardizimit		
2 përfaqësues nga shoqatat e mbrojtjes së konsumatorit	Një përfaqësues i Zyrës për Mbrojtjen e Konsumatorit Një përfaqësues i Shoqatës së Konsumatorëve Shqiptare		
2 përfaqësues zgjidhen nga organet e vlerësimit të konformitetit të akredituara			

Çdo anëtar i BA ka pjesëmarrje individuale në votim.

8. Krite ret për anëtarët e BA

Në zbatim të Ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë”, DPA përcakton kriteret e mëposhtme për përzgjedhjen e anëtarëve të BA, të cilat miratohen nga Ministri i MZHETTS.

- Të përfaqësojnë një nga palët e interesuara konsumatorë apo organizatat e tyre, Ministrinë, Trupa të Akredituara, Ekspertë të përfshirë në aktivitetet e vlerësimit të konformitetit dhe në procesin e akreditimit.
- Të njohë legjislacionin aktual, dhe/ose fushave të lidhura me akreditimin.
- Të kenë ekperiencë pune dhe njohuri mbi vënien në zbatim të Sistemit të Menaxhimit të Cilësisë në OVK, dhe/ose mbi vënien në zbatim të funksioneve të Metrologjisë në një biznes/kompani.
- Të ketë përvojë pune të paktën 3 (tre) vjeçare, në organizmin që do të përfaqësojë në BA.
- Të njohë rolin e Infrastrukturës së Cilësisë në përgjithësi dhe të vlerësimit të konformitetit në veçanti.
- Pozicioni aktual i punës të ketë lidhje me zhvillimin e akreditimit në fushat përkatëse ose me zhvillimin e akreditimit në Shqipëri. Detyrat e tyre duhet të lidhen me akreditimin, vlerësimin e konformitetit, mbikqyrjen e tregut ose me infrastrukturën e cilësisë në përgjithësi
- Të njohë parimet dhe procedurat e akreditimit.
- Të jenë të aftë të punojnë në grup.

 <p>Tel: +355 4 2269097 Fax: E-Mail: info@dpa.gov.al</p>	RREGULLORE E BORDIT TË AKREDITIMIT	Kodi: DA-RG-002
		Rishikim nr 3 Dt: 18.07.2017
		Faqe 5 nga 8

- Të mbajnë pozicione të rëndësishme në krijimin e politikave në organizmat që përfaqësojnë.
- Përbën përparësi nëse kandidati ka punuar më parë në cilësinë e vlerësuesit teknik.

8.1 Anëtarët e BA miratohen nga Ministri i MZHETTS, për një periudhë 3 (tre) vjeçare, pas një verifikimi të përputhshmërisë me kriteret për anëtarët nga Drejtori i Përgjithshëm i DPA-së. Numri i anëtarëve të BA është i kufizuar dhe nuk ka mbizotërim të një pale.

8.2 Çdo nominim zotëron një vlefshmëri mandati 3 (tre) vjeçar, në fundin e të cilit kërkohet ri-konfirmimi ose zëvendësimi.

8.3 Çdo entitet/institucion mund të rishikojë nominimin përkatës dhe të promovojë zëvendësimin e përfaqësuesit të tij gjatë mandatit. Përfaqësuesi zëvendësues qëndron deri në fund të periudhës së mandatit tre vjeçar të përfaqësuesit të zëvendësuar, duke u ri-konfirmuar apo zëvendësuar në fund të tij. Zëvendësimi bëhet me të njëjtën procedurë të konfirmimit të anëtarëve të BA bazuar në kriteret e specifikuar në pikën 8 të kësaj rregulloreje.

9. Funksionimi

9.1 Kryetari dhe nënkryetari i BA zgjidhet nga anëtarët e BA me votim të hapur dhe me shumicë të thjeshtë, jo më vonë se në mbledhjen e dytë të BA.

9.1.1 Mbledhjet e BA thërriten nga Kryetari i BA ose me kërkesën me shkrim nga së paku 50% e anëtarëve. Prania e së paku 50% +1 të anëtarëve të BA dhe të paktën e një përfaqësuesi nga çdo palë e interesuar do të përbëjë një kuorum.


9.1.2 Kryetari i BA ka funksionet e mëposhtme:

- a- Drejton të gjitha mbledhjet e BA.
- b- Koordinon me sekretariatit për axhendën e mbledhjeve të BA.
- c- Thërret mbledhjet sipas kërkesës për rastet e veçanta/jashtëzakonshme.

9.1.3 Kryetari vendos mbi oraret dhe çështjet për diskutim në mbledhjen e ardhshme duke informuar anëtarët e BA nëpërmjet Sekretariatit të DPA-së.

9.2 Mbledhjet e zakonshme dhe të jashtëzakonshme të BA thirren nga Kryetari dhe mbahen katër herë në vit. Mbledhjet e jashtëzakonshme kërkojnë prezencën e 2/3 të numrit të anëtarëve dhe të paktën e një përfaqësuesi nga çdo palë e interesuar. Mbledhjet e tjera të zakonshme apo të jashtëzakonshme mbahen në formë komunikimi interaktiv/elektronik, si për dokumentacionin ashtu edhe për votimin.

9.2.1 Sekretariati i BA i dërgon pjesëmarrësve të paktën 15 ditë para takimit, rendin e ditës së mbledhjes dhe materialet e nevojshme. Në rastin e materialeve voluminoze, ato i ofrohen anëtarëve në zyrën e Sekretariatit ose i dërgohen në rrugë elektronike. Anëtarët e Bordit janë të detyruar të njoftojnë në lidhje me pjesëmarrjen apo mos pjesëmarrjen e tyre 48 orë para datës së zhvillimit të mbledhjes. Njoftimi për thirrjen e mbledhjes bëhet zyrtarisht dhe në rrugë elektronike dhe duhet të tregojë qartësisht dhe me detaje çështjet të cilat do të diskutohen.

 <p>Tel: +355 4 2269097 Fax: E-Mail: info@dpa.gov.al</p>	RREGULLORE E BORDIT TË AKREDITIMIT	Kodi: DA-RG-002
		Rishikim nr 3 Dt: 18.07.2017
		Faqe 6 nga 8

9.3 Për të analizuar apo diskutuar çështje specifike, mund të thërriten apo të ftohen anëtarë të përkohshëm/ekspertë/vlerësues apo punonjës të DPA-së me kërkesë të Kryetarit të BA dhe miratim nga një e treta (1/3) e anëtarëve.

9.4 Drejtori i Përgjithshëm DPA-së merr pjesë në mbledhjet e BA jo me cilësinë e anëtarit të bordit.

9.4.1 Drejtori i Përgjithshëm prezanton një raport mbi aktivitetin dhe të dhënat e përgjithshme, si një strategji për të ardhmen në mbledhjen e parë të çdo viti.

9.4.2 Drejtori i Përgjithshëm informon BA-në lidhur me rezultatet e rishikimeve të menaxhimit, auditimet e brendshme dhe vlerësimet e jashtme të kryera nga EA. BA informohet gjithashtu rreth aktivitetit të grupeve teknike të punës, skemave të akreditimit, procedurave dhe rregulloreve të akreditimit.

9.5 Në rast mungese në mbledhjet e BA për arsye të justifikueshme, anëtarët informojnë Sekretariatit, duke dhënë mendimet/sugjerimet/komentet personale lidhur me problemet që do të diskutohen në mbledhjen e rradhës. DPA kontrollon pjesëmarrjen e anëtarëve të bordit, duke marrë për bazë që 2 (dy) mungesa të njëpasnjëshme të pajustificueshme të një anëtari përbëjnë një tregues të mungesës së interesit për punën e BA, duke konsideruar një zëvendësim të tij. Ky zëvendësim bëhet në të njëjtën procedurë të konfirmimit të anëtarëve të BA, bazuar në kriteret e specifikuar në pikën 8 të kësaj rregulloreje.

9.6 Monitorimi i ankesave dhe informimi i konsumatorëve duhet t'i bëhen të ditur BA në funksion të punës së tij.


9.7 Rekomandimet dhe dokumentet e tjerë do të miratohen me konsensus, ose në mungesë të tij, me shumicë të thjeshtë votash nga anëtarët e pranishëm.

9.7.1 DPA analizon rekomandimet e BA dhe adapton ato që konsiderohen të drejta dhe të besueshme. Nëse DPA nuk ndjek rekomandimet e BA, DPA duhet të argumentojë me shkrim këtë fakt dhe të informojë BA.

9.7.2 BA përgatit një raport vjetor të punës së bordit i cili i dërgohet Ministrit të Zhvillimit, Ekonomisë, Tregëtisë dhe Sipërmarjes dhe Drejtorit të Përgjithshëm të DPA-së. Raporti vjetor përgatitet çdo fundviti dhe jo me vonë se muaji mars i vitit pasardhës. Raporti vjetor hartohet nga një grup pune i përbërë nga tre anëtarë të bordit të cilët caktohen nga kryetari. Raporti vjetor i bordit miratohet nga kryetari i bordit.

9.8 Sekretariati i DPA-së kryen rolin e Sekretariatit të BA. Sekretariati i BA njofton anëtarët për datën e mbledhjes, përgatit materialet dhe konkluzionet e mbledhjes. Raporti i mbledhjes mbahet nga sekretariati.

9.8.1 Proçesverbalet mbahen në të gjitha mbledhjet, dhe regjistrohen rekomandimet e bëra. Regjistrimet përgatiten nga Sekretariati dhe arkivohen në arkivin e DPA-së. Në përfundim të takimit proçesverbalet firmosen nga të gjithë pjesëmarrësit.

 <p>Tel: +355 4 2269097 Fax: E-Mail: info@dpa.gov.al</p>	RREGULLORE E BORDIT TË AKREDITIMIT	Kodi: DA-RG-002
		Rishikim nr 3 Dt: 18.07.2017
		Faqe 7 nga 8

9.8.2 Çdo mbledhje mbahet e regjistruar. Regjistrimet përbëhen nga thirrja për mbledhje, kërkesa për mbledhje, axhenda, procesverbalet e mbledhjes, pjesëmarrësit etj. Mbledhjet e Bordit jo interaktive zhvillohen gjithmonë në ambientet e DPA-së.

10. Konfidencialiteti dhe Paanshmëria

10.1 Anëtarët dhe pjesëmarrësit e BA janë të detyruar të ruajnë konfidencial çdo informacion të marrë gjatë aktivitetit të tyre si anëtar të bordit. Çdo anëtar i BA nënshkruan një Deklaratë Konfidencialiteti sipas DA-FO-010.

10.2 Çdo anëtar i BA ka detyrimin të informojë DPA-në dhe Kryetarin e BA për çdo konflikt interesi të mundshëm financiar në lidhje me çështjet që do të diskutohen në BA.

10.3 Me shumicë të thjeshtë anëtarët e BA do të vendosin në çdo rast shkallën deri kur anëtari duhet të marrë pjesë në diskutim dhe në vendimin e çështjes së rastit.

11. Historiku

Data e Rishikimit	Numri i rishikimit	Hartoi	Përshkrimi i ndryshimeve
30.06.2006	0	Ardita FUGA	Varianti fillestar
17.03.2011	1	Arben ISAKU	Janë bërë ndryshime sipas Ligjit nr. 9824 datë 01/11/2007 dhe VKM nr. 1716 datë 03/10/2008, në pikat: 6. Termat e referencës; 7. Përbërja dhe Struktura; 8. Kriteret për anëtarët e BKA; 9. Funksionimi; 10. Konfidencialiteti dhe Paanshmëria.
27.07.2015	2	Suela Mustafaraj	Janë bërë ndryshime në pikën 4,5, 7 dhe është hequr pika 9.2, 9.2.1, 9.4.1, 9.4.2, 9.6, 9.6.1, 9.7, 9.7.1, 9.7.3, 10.1, 10.2, 10.3, 10.4, në zbatim të Ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë”, si dhe është shtuar funksioni i nënkryetarit të BA pika 9.1 si dhe është shtuar pika 12.
18.07.2017	3	Ardita Mele	Ndryshime në pikat 9.1.1 dhe 9.2 në lidhje me prezencën e anëtarëve të bordit në mbledhje.

12. Konfirmimi nga Bordi i Akreditimit.

Pasi u konsultua nga anëtarët e Bordit të Akreditimit, u ra dakord t’i rekomandohet titullarit të MZHETTS miratimi i kësaj rregulloreje.

Kryetari i Bordit të Akreditimit



Tel: +355 4 2269097

Fax:

E-Mail: info@dpa.gov.al

RREGULLORE E BORDIT TË AKREDITIMIT

Kodi: DA-RG-002

Rishikim nr 3

Dt: 18.07.2017

Faqe 8 nga 8